

## AVÈTISMAN: SANBLE W AP VYOLE RÈG KONSÈNAN CHOFÈ K AP KONDWI PANDAN YO FATIGE A

### KISA RÈG KONSÈNAN CHOFÈ K AP KONDWI PANDAN YO FATIGE YO YE?

Selon nouvo règ konsènan chofè k ap kondwi pandan yo fatige Komisyon Taks ak Limouzin (Taxi and Limousine Commission, TLC) yo, chofè ki gen lisans TLC yo ka kondwi ak pasaje pou jiska 10 zèdtan nan yon peryòd 24 èdtan epi jiska 60 èdtan nan yon semèn (lendi jiska dimanch). Se sèlman lè gen yon pasaje nan machin ou ki konte pou limit sou kantite tan pou w kondwi a.

### POUKISA TLC TE PASE RÈG SA YO?

Se yon gwo danje pou chofè yo, pasaje yo, ak pyeton yo lè yon moun kondwi pandan li fatige. Lè ou kondwi pandan ou fatige li danjere epi sa fè ou pran plis tan pou ou reyaji, epi sa mete ou nan plis risk pou w fè aksidan machin.

### KILÈ MWEN TE KONDWI TWÒP LA?

Lèt sa a pral ede ou konprann kijan orè ou kondwi a ka vyole règ konsènan chofè k ap kondwi pandan yo fatige yo. Enfòmasyon yo ki anba la a montre ki jou ak ki lè ou te depase limit èdtan ou nan mwa janvye 2018.


### ÈSKE MWEN PRAL RESEVWA YON SITASYON NAN MEN TLC?

Lèt avètisman sa a se PA yon sitasyon epi ou pa pral resevwa okenn sitasyon ki baze sou kantite èdtan ou te kondwi nan jou yo ki endike anwo a. Men, si pi devan ou pa diminye kantite èdtan ou kondwi ak pasaje, ou ka resevwa yon sitasyon pou chofè k ap kondwi pandan yo fatige lè TLC kòmanse mete règ yo ann aplikasyon.

### KIJAN POU MWEN FÈ POU M EVITE KONDWI PANDAN MWEN FATIGE?

- Kontwole kantite tan ou pase ak pasaje nan TPEP, LPEP, aplikasyon, oswa ekri kantite tan pou pase ak yon pasaje nan yon kaye. Lè ou kontwole kantite tan ou pase ak yon pasaje, ou pral konnen kilè ou bezwen repoze.
- Si ou depase limit pa jou yo nan sèten jou nan semèn nan, modifiye orè ou pou w ka ekate depasman ou yo nan plis jou epi kondwi san danje.
- Pa janm pataje enfòmasyon pou konekte sou TPEP, LPEP, oswa aplikasyon ou ak lòt chofè. Sa vyole règ TLC yo, epi kantite èdtan sa yo pral konte pou limit pou w kondwi yo.
- Si ou fatige lè ou dèyè volan an, pran yon poz epi sispann kondwi pou jounen an. Asire w ou dòmi ase chak swa pou je w ka ase klè pou w kondwi.
- Pou jwenn plis enfòmasyon, ale sou [nyc.gov/tlcfatigue](https://nyc.gov/tlcfatigue)

**KONDWI. REPOZE. REPETE.**  
KONDWI SAN DANJE...SA KONTE

Si ou gen nenpòt kesyon sou règ konsènan chofè k ap kondwi pandan yo fatige yo, kontakte Zafè Ekstèn TLC nan [tlcexternalaffairs@tlc.nyc.gov](mailto:tlcexternalaffairs@tlc.nyc.gov).

**AVÈTISMAN: W ap vyole règ konsènan chofè k ap kondwi pandan yo fatige a.**  
Pou jwenn plis enfòmasyon an kreyòl, tanpri ale sou [nyc.gov/tlcfatigue](http://nyc.gov/tlcfatigue)

**KONDWI. REPOZE. REPETE.**  
KONDWI SAN DANJE...SA KONTE